



# Vischnaunca da Breil

## Uorden disciplinar



## Scolas Vischnaunca da Breil

### Cuntegn:

|                                                            |   |
|------------------------------------------------------------|---|
| I. Disposiziuns generalas .....                            | 2 |
| II. Disciplina en scola .....                              | 3 |
| III. Puniziuns disciplinaras, cumpetenzas, procedura ..... | 3 |
| IV. Disposiziun finala .....                               | 6 |

# Uorden disciplinar dalla Vischnaunca da Breil

Sebasond sin art. 55 dalla Lescha da scola cantunala dils 02-03-2012, sin art. 54 dall'Ordinaziun tier la lescha da scola, sco era sin art. 12.<sup>2,13</sup> digl Uorden da scola dalla Vischnaunca da Breil, relai il Cussegl da scola il suandont uorden disciplinar:

## I. Disposiziuns generalas

### Art. 1

Ensemen cugl uorden da scola duei igl uorden disciplinar gidar da contonscher in menaschi da scola che lubescha da luvrar, scolar e sescolar a moda efficienta ed emperneivla.

Intent

### Art. 2

Igl uorden disciplinar vala per tut las scolaras e tut ils scholars dallas scolas dalla Vischnaunca da Breil.

Valeivladad

## II. Disciplina en scola

### Art. 3

<sup>1</sup> Scholars e scolaras han da secuntener vicendeivlamein a moda discreta e toleranta e tralaschar remarcas offendentas. Ils scholars sedeportan andantamein denter els, enviers scolasts, autoritads da scola e persunal da scola.

Reglas da secuntener

<sup>2</sup> Las directivas dils scolasts, dallas autoritads da scola, dil persunal da scola e dils manischunzs dils bus da scola ein d'observar.

<sup>3</sup> Ils scholars duein evitar tut quei che disturba il menaschi da scola.

<sup>4</sup> Senza lubientscha dils scolasts eis ei buca lubiu als scholars da bandunar il plaz scola enteifer il temps da scola.

<sup>5</sup> Ils temps da scola ein d'observar strictamein.

### Art. 4

<sup>1</sup> En tuts baghetgs da scola dueigien ils scholars sedeputtar bein ed haver qui-tau dils indrezs en las localitads e sils areals da scola, sco era dils urdeins e dil material da scola.

Localitads, indrezs, urdeins

<sup>2</sup> Las reglas da casa ein d'observar.

### Art. 5

<sup>1</sup> Per ils scholars dil vitg el qual la scola vegn tenuta ei il viadi da scola da far a pei. En cass motivai sa il cussegl da scola far excepziuns.

Via da scola

<sup>2</sup> Ils scholars che frequentan la scola en in auter vitg curseschon cul bus da scola.

### Art. 6

Sigl areal da scola ed a caschun dad occurrenz da scola ein mieds che donegian la sanadad sco fimar, il consum da bubrondas alcoholicas ed energeticas e prender drogas scumandau strictamein als scholars.

Products da consum e mieds toxicogens

## Art. 7

Sigl areal da scola ed a caschun d'occurrenz da scola vegn tolerau negina violenza, ni fisica ni psichica.

Violenza

## III. Puniziuns disciplinas, cumpetenzas, procedura

### Art. 8

- <sup>1</sup> Surpassaments enviers igl uorden disciplinar vegnan puni cun reprimandas, lavurs per castitg, arrest ni cun lavur speciala sut survigilanza.  
<sup>2</sup> Duront igl arrest e la lavur speciala stattan ils scolars sut survigilanza.  
<sup>3</sup> Il cuoz maximal pigl arrest e per las lavurs specialas munta a 4 mezs dis per cass.

Puniziuns disciplinas

### Art. 9

- <sup>1</sup> Il scolast da classa ed il menader da scola san ordinar ina reprimanda a bucca ni a scret, lavurs per castitg ed arrest entochen in miez di per cass.  
<sup>2</sup> Il cussegl da scola sa ordinar tut las puniziuns disciplinas.

Cumpetenzas

### Art. 10

- <sup>1</sup> Specia e circumstanzia dil surpassament disciplinar ein da sclarir. Il scolast ei da tedlar.  
<sup>2</sup> En cass nua ch'in arrest survarga in miez di ni nua che ina lavur speciala sut survigilanza stattan en damonda, eis ei da tedlar ils geniturs respectiv lur representants avon che prender ina decisiun. La decisiun ei da comunicar ad els a scret cun aschuntar ils motivs.

Constatar il causal, udida da dretg

### Art. 11

- <sup>1</sup> Encunter decisiuns da castitgs disciplinars tras il scolast ni il menader da scola sa vegnir fatg recuors enteifer 10 dis dapi la communicaziun al cussegl da scola. Quel decida definitivamein.  
<sup>2</sup> Encunter decisiuns ch'il cussegl da scola pren sco emprema istanza sa vegnir fatg recuors al departement d'educaziun enteifer 10 dis.

Recuors

## VI. Disposiziun finala

### Art. 12

Quei uorden disciplinar entra en vigur cun l'entschatta digl onn da scola 2014/2015. El remplazza igl uorden disciplinar dils 14-11-1996.

Vigur

Approbau en la seduta dil Cussegl da scola dils 15 d'avrel 2014.

La presidenta

Il menader da scola

Daniela Seiler

Michael Friberg